

KANSE 'PATA 'TSÛ TU YA JUKHANINGAE JAYI



1

Ja'ñu a'ta Cuyabeno'sû tevuen'jen kundase'pama kanjaenña'chunga, ke'inga kanjaeñe tsun'jen'fa "Kanse'patatsû tuya jukhaningae jayi" kundase'pane, va kundase'pata'tsû cundase'chu kumuna Taikua'sû shuara a'indekhûye.

Fue a'tatsû pa'khu anshaen, bujigi sheke'fa atesia'jenchu ethimbe sumbu'thini, runda'je'fangi a'i dushûndekhû junguesû ankhe'sû chipirima ingin'ga afesa'ne. Tsu'nin'da'tsû, fue tsû'jûtshia tshûjû'fa ingi'fanga ji, tse'fai'khûyitsû, tsampi in'je'khû'aye thesija athian sumbu. Tsunsingi ingija sûmbie dakhia'ka'en shen'dyaye ashaen'fa, a'imangi thû'se'fa kaentsû jipa thesima pu'taen'faye. Tsumba in'jan'fa: "tsampinen'daki na'sû, tsa'ma va a'i kankheta'tsû ingi'mbe".

A'indekhuta'tsû pûiyi'kuu putaen'gui'khû sumbumbu'fa tsunsi ingi'ja fe'ñañe anshaen'fa tuya i'na fûndu'je'thie: "¡Bûthu khûyaja thesil!", "¡Baninda'ki junguesûma tsuña'chuve mechu!" "¡Tsampi'sû na'sûta'tsû junguesûmbi barane'jan!".

2

Ma'thingata'tsû, thesija injan'tshi a'ta u va'veu avujakive viasépa tueki jiye atesû, tsa'ma tseki a'taja simeñitsû tueki ji. Tsunsi khasengi ingi'ja she'ndyaye anshaen'fa, tsa'kaen ingi shendyakhusitsû a'ikhe jipa kinse'puen'fa putaen'gui'khû, tsunsingi ingi'ja fe'ña'fa. Tsumba tuya tise nepi jambi'te, thesija ingi'ma ñutshe kamba ja. Tsunsitsû ña injama'chu tsusini junguesû uyakhia'kaen da, tsa'mangi ai'yembe akhe'pa, tsa'kaen ingi da'jenitsû ñangaja aya'fa ji, ña ambian'chu Nantu te ñama kañe injan.

Tise'ta'te fuesû phurutshia kankheni kanseye ja, tsa'kansingi dzûtshe kachaikhu'je'fambi. Tsa'ma ña injamachuninda'tsû in'jen va'fangatan'gi tayu ingi'ja fue'ngae kanseye usha'faya.

Fuesû a'i kankhenga napihangi cachai Nantuma. Tsumbangi avûjapa shendyakhupa feñamba kufe'je'fa, tsun'dan'gi athe'fa, khuan'gi tsandie ingi'ningae bûthupa jiña'chuma.

—Ain, keta'ki ba'thi'sûmbi, ¡favatshe jaja! —ken tsû fûndu'fa, kini'khuikhû kanja'jemba tuya'kaen patû'khû ñama thuva'khuemba. Tsuni'tsû fue rande patû ñanga phuru, tsatsû ñama i'naen, tsunsingi in'jan bûthuya'chungui kanseye in'jan'da khen.

3

Tueki tsaiki'ye jayipangi khûiya'chuve da re'rikhune. Ba've injantshe iñakha'chuvengi ña a'ivuni am'bian, tuya'kaen ñua'mengi kimbi'je tsangayingi ñumbiye'je Nantu'ye athûfaya'chuve dapa. Tsa'kaen khûipangi ña iñakha'chuma beyaje, tsa'kaen beya'je'nitsû ñanga fue'khu katsesi dyupa mangû jangi.

—¿Majanki tuya'kaen junguesûveki in'jan? —ken gi iñajanpaña, iyikhae'sûi'khû.

—Fue kunda'chumangi kembe i —ken tsû tusesekhu'a kun'sija sû tsumbatsû kunda ni ña tsa'kaen tise sûya khen in'jan'bi'chuama:

—Thesi tuya'kaen keta'ki usha'chuma fuen'gatshe ambian'fa. Tise'khetsû thatha'je tise ambian'chuma, tsa'matsû cahaiye ushambi. Tise ambian'chuta'tsû juniufa'sû tsampini kanse, tsa'kansitsû tise'ja ise khen a'i kankhe'ye ji'ma ushambi tise'ma a'ija pu'taen'fasi.

"Jen'da ñane junguesûne'tsû injinge", khen gi ashaenthie'ja in'jan, tse'thien'gi asi'thaen ña numbiye'je'chu tuya'kaen ña iyikhaye'je'chuma ña ambian'chu Nantu'ye athûfapa, tse'thien'gi in'jan thesi ñua'me ñukimbitshe ingi'ma kamba ja'chuma. Tsunsitsû ña injama'chu tsusini khase uyakhu isû.

—Ba'thita'tsû ni ñutshia ni ega'ndekhû kan'jen'fambi —ken tsû kun'sinja ti'tshe afa—. Thesita'tsû nepiji'fa va ande'ye tise pûshendekhû viani kanse'fasi fue'thi kansembi'pa, tsa'kambatsû ti'tshe atapaye usha'fambi, ke tuya'kaen Nantu da'jekhia'kaen. Tsama akhe'pajama khase thesima athe'ta.

4

Tsa'kaen dapa ña tueki ña kankheni ja'ninda'tsû fuengasû aindekhû ñanga katsepa iñajanpaña'fa ña mingae dapa ja'chuma. Tsunsi pa'khumangi kundase, tuya'kaen ña kun'sima cachai'chuma'khe.

—¿Thesi iseya'chuve ingi fûiteye'tiki injan? —ken tsû iñajanpaña fuekhu fuengasûja.

—¡Mingûitekhe! ¡Thesita'tsû ingi pi'je'chumbi! ¿Jen'da pûiyi'khuma ingi'ma a'ni? —khen tsû fuesûja shen'dya.
—Ingi'ma an khen thatha'jembî'tsû —khengi ñaja sû—. Ise khen tsû vana'jen tise pûshema kachaiye, dû'shûma am'biamba tise'pa jinchu'chuma nepiambe kañe.
—¿Tsaja junguesûne'tsû ingi'ne'ja injingue? —khen tsû sû fue'khu titshe iyikhufasija—. Ti'tshe'u thesive injinge'makan.
—Injinge'chu'fatsû —Khen tsû Susuja sû, Pûima ti'tshe atesû'chu tuya'kaen cuendza ainja—. Ingi fuengasuta'tsû tisû vana'jen thesi vana'jekhiakaen. Va kankheta'tsû ingi kanse'pa, tsa'ma akhepa'je'fangi va kankheja tsampi'ye'pa jinchu, tuya'kaen tsampi-ja thesi'ye'pa jinchu khen.

Tsunsitsû majañi'khe ti'tshe utûningae afambi, tsumbangi tansian'fa.

5

Tsu'ninda'tsû u'ma andyu'paja napi tsunsitsû a'indekhûja avujapa bujin sheke'fa. Majandekhûta'tsû u'mama tai'chune setha'puemba an'dyu sheke'fa, Enthingueta'tsû tsûthei'khû uthipa kufe'je'fa tsain'gae kha'iya tsetse'pama kûi sheke'fa. Tseki a'taja, pûiyi'khu aingi tansian'fa shen'dyambe kañe thesim a the'ra. Tsumba kaentsû tise'ma pu'taembe kanfaye, ingui'ja khaufani re'rikhu a'indekhû khûtsû'chuikhû iyikhukhia'kaen tsun'jen'fa, tsunsi ingi'ma jipa athûfaensû jiji'fai'khûtsû thesija favatshe isin juniufanga japa tsampikhûnga nepi ja.

—Vuengi tsun'fa —Khen tsû Susuja sû—. Aiye'pambi'tshimbi'tsû, tsa'ma thesim fûite'chui'khûngi tsampima'khe kuira'fa tuya'kaen ingi kankhema'khe.

Tsumba ñua'mengi avuja'fa, tsa'kaen avûjapa ingi atse'fama uyaembangi, bûthukhu'fa tsû'theikhû uthipa kufekhe'sûma mandiamba.

Va've inja'un khuvû pasasi, ña tuya'kaen Nantu kue'jenga savûje'fani tsû ji tusesekhua kun'sija, tsumbatsû sefani kini'si thembani dyipa sû:

—Pañangi thesi dû'shûma junifafama. Kanse'pata'tsû tuya jukhaningae jayi.

Este cuento fue escrito por:

Paula Terán O.
María Paz Dávila
María Vallejo

Las ilustraciones fueron creadas por:

Paula Terán O.

Y las niñas y niños de la comunidad Shuar de Taikua:

Nayeli Ankuas	Aracely Tiwi
Nadia Ankuash	Geniffer Tiwi
Gissela Ankuash	Yury Shakai
Dany Ankuash	Sherelin Tiwi

Este cuento es libre de derechos de reproducción. Puede ser impreso y difundido por cualquier vía, siempre y cuando mantenga los créditos correspondientes. Libro de distribución gratuita, prohibida su venta.

© 2022 WWF Ecuador



Trabajamos para conservar la
naturaleza para las personas y la
vida silvestre.

juntos es posible. wwf.org.ec